

Հ Ե Ղ Ի Ն Է

Վ Է Պ

Տ-ին Մ. ՄԱՐԻՍԵԱՆԻ

ՄԱՍՆ ԵՐԿՐՈՐԴ

(Շարունակութիւն 1)

XX

Զընայելով որ Ամիրանովը ամեն կերպ աշխատում էր կնոջ տխրութիւնները փարատել, բայց էլի Հեղինէի սրտից անտանելի թախիժը չէր հեռանում: Տեսնելով թէ ինչպէս մարդը օրէցօր աւելի ուշագրութեամբ և քաղցրութեամբ է վերաբերում դէպի երեխան, Հեղինէն հետզհետէ համոզւում էր, որ անհրաժեշտ է հաշտել ներկայ դրութեան հետ, բայց դեռ այդ նորա ուժիցը վեր էր: Միակ միւթթարութիւնը, որ նա գտնում էր իւր մշտական հոգեկան կուռի մէջ անցնող կեանքում—այդ իւր երեխան էր: Աշունքւայ երկար երեկոները անցկացնելով երեխայի օրօրոցի կողքին նստած, նա մտքով տեղափոխւում էր այն ապաղայ ժամանակները, երբ իւր որդին կը կարողանար ընդունակ լինել վարձատրել նրան իւր սէրով այն զոհողութիւնների փոխարէն, որ նա արել էր նորա (երեխայի) համար:

Այսպէս անցաւ մօտ ամիս ու կէս Սահառունու զնալու օրից։
 Հեղինէին երբեմն թուում էր թէ Ամիրանովը փոխւել է դէպի
 լաւը։ Նա, կարծես, սկսել էր հաշտուել այն մտքի հետ, որ նրանք
 կարող են ապրել մի յարկի տակ։

Նոյեմբեր ամսւայ օրերից մի օր, երբ Հեղինէն երեխայի սե-
 նեակումն էր, կամաց ներս մտաւ սենեակը Թամարը և, ըստ երևոյ-
 թիւն, ինչ որ մի բանից սաստիկ ուրախացած, նստեց նորա գէմուդէմը։

— Վճռել եմ, էլ չեմ կարող դիմանալ, — լանկարծ արտասանեց
 նա երկար լուրթիւնից յետոյ։

Ես ուղում եմ հանգստացնել սիրտս։ Թող սպանեն, մորթեն
 ինձ, էլ ոչ ոքից չեմ վախենում։

Թամարի աչքերը այնպիսի անսովոր կրակով փայլեցին, նորա
 ձայնը այնպէս անսպասելի վճռականութեամբ հնչեց, որ Հեղինէի
 մէջ կասկած ծագեց, թէ արդեօք հօ չէ ցնորւել իւր տալը։

Թամարը այդ հասկացաւ և տարօրինակ կերպով ծիծաղեց։

— Թող, թող շուտով զնամ, քանի որ բարի հրեշտակ է այցե-
 լել ինձ։ Ով է իմանում, կարելի է, չար ոգին նորից ինձ իւր իշխա-
 նութեան տակ գցի։

Այդ ասելով Թամարը շտապով դուրս փախաւ սենեակից։

Հեղինէն վախեցած նայեց նրան, երեխային օրօրոցը դրեց ու
 զուրս վազեց նորա յետևից, բայց Թամարը արդէն անյայտացել էր։

Հեղինէն բոլորովին համոզւեց, որ նա ցնորւել է և շատ վախեցաւ։

Հետեւեալ օրերը նա ուշադրութեամբ դիտում էր տալին և տես-
 նում էր, որ նորա բոլոր շարժածքների մէջ երևում էր միևնույն այն
 ժամանակ չը նկատուած համարձակութիւն։ Այդ Հեղինէին շատ էր
 զարմացնում, բայց որքան նա աշխատում էր իմանալ այդ անհաս-
 կանալի փոփոխութեան պատճառը, չէր կարողանում, Թամարը նրան
 ոչինչ չէր ասում։

Մի քանի օրից յետոյ Թամարին յանկարծ այնպիսի մի անուա-
 նելի տխրութիւն պաշարեց, որ նա էլ չը կարողացաւ դիմանալ և,
 վճռելով ամեն բան յայտնել Հեղինէին, վեր կացաւ ու գնաց նորա մօտ։
 Հեղինէն ոչ ննջարանումն էր, ոչ էլ երեխայի սենեակում. նա
 նստած սեղանատանը թէյ էր ածում։ Ամիրանովը, Եփեմիան ու Աննա
 Դուրդէնեանը շրջապատել էին թէյի սեղանը։

Թամարը ասաց, որ իւր համար թէյ չ'ածի Հեղինէն, ընկաւ իւր ձեռագործի հետ և չը խառնեց ընդհանուր խօսակցութեանը:

— Ինչու ես գոյնդ այդպէս գցել, հօ՞ հիւանդ չես, — մի քանի անգամ հարցրեց նրան Հեղինէն:

— Ոչինչ, առողջ եմ, — հազիւ շարժելով շրթունքները պատասխանում էր Թամարը:

Բայց նորա դէմքը հետզհետէ այնպիսի հիւանդոտ արտայայտութիւն էր ստանում, որ քիչ էր մնում որ Հեղինէն զօռով նրան ներս տանէր ու թեք գցէր անկողնի վրայ:

— Ասա, ինչդրեմ, այդ ո՞ւմ համար ես գործում այդ շալը:

Թամարը բարձրացրեց հանդած աչքերը, մի ըրպէի չափ նայեց հարսին, յետոյ նւազ ձայնով պատասխանեց՝

— Քեզ համար:

— Որ այդպէս է, կը նշանակի ես կատարեալ իրաւունք ունիմ այդ շալի վրայ և ինչ ուզեմ կ'անեմ, — ծիծաղեց Հեղինէն, աշխատելով տալի ձեռքից խել ձեռագործը:

— Թող, խնդրեմ, ո՞ւմ է մնաս տալիս իմ ձեռագործը:

— Քեզ, Թամար: Գիտես որ հալ չը կայ վրայդ: Դու պէտք է այժմ զրօսես կամ պառկես և ոչ թէ նստած ձեռագործ անես: Ես վաղուց է նկատում եմ, որ սրտումդ ինչ որ մի բան կայ, որ քեզ տանջում է և որ դու մեզնից ծածկում ես:

— Հանգիստ թողէք դրան, Հեղինէ, դրան այդպէս մէկ-մէկ պատահում է, այնպէս տխրութիւն է դալիս վրան, որ կարծես աշխարհքը գլխին մթնել է, — ձեռքը թափ տալով ասաց Նփեմիան:

Ամիրանովը, որ կէս ժամի չափ երեխային իւր ծնկների վրայ նստացրած խաղացնում էր, հարևանցի ամուսնի գցեց փոքր քրոջ վերայ:

— Օյ, շատ սառնայ մարդ պէտք է դուրս գաս: Տեսնում ես, Հեղինէ, ինչ սիրուն երեխայ է, բոլորովին քեզ է դցել, — ինքնագոհ կերպով արտասանեց Ամիրանովը:

— Իսկ ինձ թւում է, Միքայէլ, որ նա երկուսիդ էլ նման է, վրայ բերեց Նփեմիան: Աչքերն ու քիթը իսկը քո աչքերն ու քիթն են, իսկ մնացած երեսարբն ու կաշւի քնքշութիւնը մօրն են:

Այդ ժամանակ դրսեից զանգահարեցին, իսկ մի քանի ըրպէից

յետոյ ծառան եկաւ յայտնելու, որ Պետրոսեանցը եկել է: Պետրոսեանցը վաղուց է չէր եգել Ամիրանոյնների մօտ և այդ պատճառով Ամիրանովը մի քիչ զարմացաւ լսելով, որ այցելութեան եկողը նա է:

— Է՞, ի՞նչ ասացիր նրան:

— Ուրիշ: Նրանք ասացին, որ եկել են աղջիկպարոնի յետևից և նրանց կը սպասեն դռանը:

— Ես գիտէի, որ այդպէս կը լինի, բացականչեց Աննան: Մեր աղախինը հիւանդացել է, իսկ խոհարարը, երևի, հարբած կը լինի: Ծորաքոյրս առհասարակ վախենում է ինձ նրա հետ տեղ ուղարկել:

— Բայց այս անձրևով շատ էլ յարմար չի լինի կանգնել դռմանում, — մտահոգութեամբ նկատեց Հեղինէն: Խնդրիր, ներս գայ, դարձաւ նա ծառային, կամ չէ, աւելի լաւ է ես ինքս գնամ կանչեմ: Հեղինէն շտապով դուրս եկաւ սեղանատնից ու մի քիչ անցած յետ դարձաւ Պետրոսեանցի հետ:

— Բարև, Տիգրան Աւետիս, շատ ուրախ եմ, որ տեսնում եմ ձեզ, քաղցրութեամբ ողջունեց նրան Աննան: Երեք օր է, որ մեր տունը չէք եկել. ես ու մօրաքոյրս կարծում էինք թէ հիւանդացել էք:

— Փառք Աստծու, առողջ եմ: Այսօր համարեա ամբողջ օրը ձեր տանն եմ եղել:

— Մի/թէ: Ուրեմն դուք ընտրում էք այնպիսի օրեր, երբ ես տանը չեմ լինում, ծիծաղելով մատը թափ տուեց Պետրոսեանցի վրայ Գուրգէնեանը: Լաւ, կը տեսնէք, այդ ձեզ էժան չի նստիլ: Իսկ այդ ինչ է ձեր ձեռին, ուշադրութեամբ նայելով Պետրոսեանցի ձեռի ծրարին ասաց նա: Հէնց իմանաս ինձ պէտք է հասնի:

— Ես ձեզ մօտ էի, Աննա Արտեմիէնա, երբ որ բերեցին այս յայտարարութիւնը: Ձեր մօրաքոյրը շատ խնդրեց, որ ես հասցնեմ ձեզ այս թուղթը:

— Տւէք, տեսնեմք այդ ինչ է:

Գուրգէնեանը վերցրեց ծրարը և անհամբերութեամբ բաց արեց: Ծրարի մէջ դրած էր մի յայտարարութիւն, որով յայտնւում էր թէ Ուբարովը կտակ է թողել:

Այդ կտակով Ուբարովի ամբողջ կարողութիւնը բացի եօթ հազարից, որ պէտք է հասնէր Թամարին, բաժանւում էր Աննա Գուր-

գէնեանի և հայոց թեմական դպրանոցի մէջ: Կուսակաւտար նշանակւած էր Պետրոսեանցը: Գուրգէնեանին կանչում էին դատարան, որ նա այնտեղ պաշտօնապէս յայտնէր, թէ ինքն է ժառանգը, և պահանջէր իրան հասնելիքը:

Գուրգէնեանը չէր հաւատում իւր աչքերին և շարած նայում էր ամենքին: Այդ դուռթեան մէջ մի քանի ընդհանուր յետոյ նա թուղթը յետ տւեց Պետրոսեանցին, ասելով— ուրիշ չեմ հասկանում:

Թաժարը նստած տեղումը քիչ էր մնում ուշաթափւէր:

— Տէր Աստուած, այս ինչ արեցի,— հազիւ լսելի ձայնով շշուշաց նա:

— Ա՛յ,— համարեա սարսափած արտասանեց Պետրոսեանցը և հանդիսաւոր կերպով թուղթը դրեց սեղանի վրայ:

— Ախ, Աստուած իմ, ինչպէս վախացրեցիք ինձ,— բարկացած ասաց Եփեմիան ու երեսը խաչակնքեց,

Նա շարունակում էր հարցական կերպով նայել Պետրոսեանցի վրայ, իսկ Ամիրանովն ու Հեղինէն սկսեցին ուշադրութեամբ կարդալ յայտարարութիւնը:

Ամիրանովը, մի քանի տող որ կարդաց, այնպէս եղաւ, որ քիչ էր մնում երեխային վայր զգէր ձեռիցը: Հեղինէն բռնեց տղային և տալով դայեակին հրամայեց տանի իւր սենեակը:

Ամիրանովը կայծակահար եղածի նման քարացել, մնացել էր նստած տեղումը և դժոխային հայեացքով նայում էր քոյրերին: Եփեմիան, որ դեռ գլխի չէր ընկել, թէ բանն ինչու՞ն է, շարած նայում էր եղբորը: Եղբայրը հասկացաւ, որ Եփեմիան բանից տեղեակ չէ, և մտքումը վճռեց, որ մեղաւորը Թաժարն է, ու այնպէս կատաղի հայեացք զգեց նրա վրայ, որ խեղճը սպրտնեց ու զողողողաց և, չը կարողանալով տանել եղբոր չարագուշակ հայեացքը, վեր կացաւ տեղից ու փախաւ սենեակիցը, թէև հազիւ էր կարողանում կոնգնել ոտքի վրայ:

Մի քանի ընդհանուր ուշքի եկաւ և հասկացաւ, որ անհրաժեշտ էր վկաների ներկայութեամբ սառնասիրտ պահել իրան, բայց տեսնելով, որ ինքն իրան չի կարողանում զսպել, վեր կացաւ գնաց իւր առանձնասենեակը:

Եփեմիան մեքենայաբար հետևեց եղբորը: Թամարը միւս դուռնովն էր դուրս գնացել:

— Թամար, ինչ-որ մի վատ բան կայ այս բանի մէջ, դու բոլորը գիտես, ասա, խնդրեմ, շուտ արա, թէ չէ ես կը գտնեմ, — հասնելով տալի յետևից հարց ու փորձ էր անում Հեղինէն:

— Սխ, սարսափում եմ: Յետոյ կ'իմանաս, ամեն բան կ'իմանաս, այժմ չեմ կարող...

— Թաքցնելդ աւելորդ է, — ձեռքը Թամարի ուսին դնելով՝ հազիւ լսելի ձայնով արտասանեց մեռելի պէս սպրտնաձ Հեղինէն:

Ես գլխի եմ ընկնում թէ ինչու՞ն է բանը: Վտակը գողացել են Եփեմիան կամ Միքայէլը. իսկ դու, խեղճ գոհ, գործիք ես դարձել նրանց ձեռքում այդ դժոխային գործը կատարելու համար:

Թամարը գլխով արեց և օձից խայթւածի նման փախաւ գնաց ամենահեռաւոր սենեակը:

Այժմ հասկանում եմ, թէ ինչի մասին էին նրանց այն գաղտնի և անվերջ խորհրդակցութիւնները, մոռածեց Հեղինէն:

— Վա՛յ ինձ, վա՛յ ինձ, էլ ինչ անբախտութիւն է ֆնացել, որ գլխովս անցած չը լինի: Տէր Աստուած, ինչո՞վ եմ արժանացել ես այսպիսի պատժի, — աղէկտուր ձայնով բացականչեց նա և համարեա ուշաթափ ընկաւ բազմոցի վրայ:

Գուրգէնեանը ֆնացել էր սեղանատանը: Ակամայ հանդիսատես դառնալով այն լուռ տեսարանին, որ մի քանի րոպէ առաջ կատարւել էր այնտեղ, նա մութը կերպով զգում էր, որ այդ բանումը ինչ որ մի ընտանեկան գաղտնիք կայ: Նա իւր ներկայութիւնը այդ դէպքից յետոյ վերին աստիճանի անյարմար էր համարում և մի առիթ էր փնտրում որ, որքան կարելի է, շուտով այնտեղից հեռանար:

— Գնանք տուն. ինչ պէտք է անենք այստեղ, Աննա Արտեմիւսեան, — առաջարկեց Պետրոսեանցը:

— Գնանք, բայց չը գիտեմ, թէ որտեղ է վերարկուս ու գլխարկս. կարծեմ, դահլիճումը պէտք է լինի: Ինչ էք կարծում, կարելի՞ է մտնել, վերցնել, շարած հարցնում էր Գուրգէնեանը, որի ապշու-թիւնը դեռ չէր անցել:

— Ի հարկէ: Մոռենք միասին:

Մտնելով դահլիճը նրանք բացականչեցին և վախեցած յառե-

ցին աչքերը Հեղինէի վրայ.— Գէմքը մեռելի գոյն էր ստացել, աչքերը վեր էին քաշւել, շրթունքները կապտել էին և ամբողջ կերպարանքը այնպիսի մեռելային արտայայտութիւն ունէր, որ Աննան կարծեց թէ նա մեռել էր:

— Մի վախենաք, Աննա Արտեմիւնա, ուշաթափւել է, հանգըստացրեց նրան Պետրոսեանցը: Դուք կոճակները բաց արէք, ես գնամ ջուր բերեմ:

Մի քանի րոպէից յետոյ Հեղինէն ուշքի եկաւ:

— Աննա ջան, հոգիս, ուրեմն քո դէմ էին ուղղած նրանց մեքենայութիւնները, դուրս թռաւ Հեղինէի բերնից:

Հեղինէն ջղաձգաբար բռնեց Գուրգէնեանի գլուխը և բաց չէր թողնում ձեռիցը:

— Խաչը, չե՞ր հասկանում, թէ ես ինչու պէտք է Ուբարովի ժառանգը լինեմ, — շշջաց Աննան:

— Այժմ ձեզ պէտք է ասել, թէ ինչու՞մն է բանը, Աննա Արտեմիւնա, որովհետեւ միևնոյնն է, եթէ ես չ'ասեմ, դուք ուրիշ տեղից կ'իմանաք, — շփոթւած արտասանեց Պետրոսեանցը:

— Ի՞նչ կայ, ասացէք, — վախեցած արտասանեց Աննան:

— Ես վերջին օրերս լսեցի, ասաց Հեղինէն, զանազան տկարկութիւններ քո և Ուբարովի մէջ եղած ազգականութեան մասին. այժմ, ինչպէս տեսնում եմ, այդ զրոյները հաստատուում են:

— Այո, տիկին Հեղինէ, խեղճ Ուբարովը օրիորդի հայրն էր, — զժւարութեամբ արտասանեց Պետրոսեանցը ու, իսկոյն հանելով գրպանիցը մի նուրբ նկարած պատկեր, շարունակեց, — իսկ այս հիանալի կինը ձեր մայրն է, օրիորդ:

— Աստուած իմ, ինչ եմ լսում, շւարած բացականչեց Գուրգէնեանը և նորա աչքերը շաղւեցին:

Իսկ ով էին նրանք, որոնց ես իմ ծնողներս էի համարում:

— Ձեր բարեբարները: Հանգստացէք, օրիորդ, ես ձեզ մի օր կը պատմեմ ձեր պատմութիւնը:

— Վայ ինձ, թշուառիս, — գլուխը բռնելով բացականչեց Գուրգէնեանը, կարծես սթափւելով խորը քնից յետոյ: Ինչ քարասիրտ մարդ էք, պ. Պետրոսեանց: Ինչու ինձ ոչինչ չէիք ասում նորա կենդանութեան ժամանակ: Նա տանջւում էր հոգով ու մարմնով:

նա միայնակ էր, իսկ դուք ինձ ոչինչ չէիք յայտնում, որ զոնէ նորա մեռնելու րոպէին ես իմ ձեռքով աչքերը փակէի: Այժմ ես հասկանում եմ այն տարօրինակ խօսքերը, որ նա ասում էր ինձ հանդիպելիս. իսկ ես, թշուառականս, նրան խելացիոր էի կարծում:

Պետրոսեանցը այնքան յուզւած էր, որ ոչինչ չը կարողացաւ ասել օրիորդին միտքարեւու համար:

Հեղինէն յենւել էր պաաին ու համարեա չէր լսում Գուրգէնեանի խօսքերը:

Երևում էր, որ ինչ որ մի նոր միտք էր ծագում նորա գլխումը. նա այլ ևս չէր զգում առաջնայ թոյլութիւնը:

— Աննա, Աննա, յանկարծ բացականչեց նա, շուտ արա, գնա տուն, հեռացիր այստեղից. քեզպէս մաքուր մարդիկ այս տանը չը պէտք է մնան:

Պետրոսեանցը խորին ցաւակցութեամբ նայեց նրանց վրայ: Մի քիչ յետոյ նա Գուրգէնեանին տարաւ տուն:

Աննան չը հանգստացաւ մինչև որ պատմել տւեց Պետրոսեանցին իւր անցեալը:

Պետրոսեանցը աշխատում էր ծածկել Աննայից նորա անցեալից այն ամենը, որ կարող էր շատ վշտացնել նրան:

Խանդաղատանքի, երախտագիտութեան և վշտի արտասուներներ երևացին օրիորդի աչքերում:

Նա ամբողջ գիշերը չը կարողացաւ աչքերը փակել. շատ և իրարից տարբեր զգացմունքներ յուղում և ալէկոծում էին նորա հոգին:

Հեղինէն՝ մենակ մնալով՝ մի ժամի չափ մօն էր գալիս գահլիճում խորին մտախոհութեան մէջ:

Ինչ որ լուրջ մտքեր յուզում էին նրան և վճռական արտայայտութիւն էին տալիս նորա դէմքին:

Երեկոյեան ժամի ութին մօտ էր:

Ամիրանովը դուրս եկաւ տանից:

Եփեմիան եղբոր հետ երկար խօսելուց յետոյ զնաց փնտռելու քրոջը:

—Ախ, անզգամ, այո քո՝ բաներն են։ Ինչպէս համարձակեցիր ձեռք տալ այն թղթերին։ չէի՞ր իմանում թէ ինչ դժարութիւններով էի կարողացել ես ձեռք գցել այդ թղթերը։ Կաց, գեւ Միքայէլը ինչ կը բերի գլխիդ, նզոված արարած, —ասում էր Եփեմիան փրփուրը բերնին, երբ որ Հեղինէն աննկատելի կերպով մտաւ նեքսւ թամարը, կանգնած տեղը, տենդով հիւանդի նման գողում էր։

—Մեղք եկէք խեղճին, առանց այն էլ դուք ու ձեր եղբայրը դրան շատ էք տանջել, խորովել, արհամարհաբար ասաց Հեղինէն կանգնելով երկու քոյրերի մէջ տեղը։

Եփեմիան սաստիկ կարմրեց ու հեռացաւ։

Հեղինէն թամարին զոռով թեք գցեց իւր անկողնի վրայ ու ինքը դուրս եկաւ պառչաւոր։

Վճռական րոպէներ էին Հեղինէի համար։ Նա գործ էր դնում իւր կամքի ամբողջ ոյժը հարցը հաստատ վճռելու համար։ Վերջապէս, մօտ երկու ժամ անցնելուց յետոյ, նա վերադարձաւ իւր սենեակը անդրդուելի դիտաւորութեամբ՝ իրագործելու իւր մտքումը որոշած ծրագիրը։

Թամարը դեռ չէր քնել։

—Հը՞, ինչպէս ես զգում քեզ։

—Առաջանից լաւ եմ, բայց չեմ հանգստանալ մինչև որ համաձայնես ինձ լսել։

Այս ասելիս Թամարը այնպիսի թախանձալից հայեացք գցեց հարսի վրայ, որ նա չէր կարող չը կատարել նորա խնդիրքը։

—Ես այժմ քեզ շատ զգւելի մարդ եմ երեւում, չէ՞։ Բայց ցիւղի, Հեղինէ, իմ անցեալը և տես թէ արդեօք մի որ և իցէ ինձ արդարացնող բան չես գտնիլ անցեալումս։

Հեղինէն նստեց անկողնի վրայ և քաջալերելով ասաց՝

—Ես լաւ գիտեմ, Թամար, որ Աստուած քեզ բարի սիրտ ու մաքուր զգացմունքներ է տւել և որ, դժբախտաբար, հէնց մանկութիւնից դու շրջապատուած ես եղել անսիրտ ու ստոր մարդիկներով։ Եղբայրդ ու քույրդ, օգուտ քաղելով քո անձար դրութիւնից, քեզ իրանց ազդեցութեան տակն են գցել, որ շատ հեշտ է եղել, —դու խեղճ ու միամիտ, նրանք սառնասալի պէս խորամանկ։

—Դու գուցէ կարծում ես, Հեղինէ, թէ ես այնքան փչացած

եմ, որ չէի նկատում ինձ շրջապատող կեղտը: Զէ, ես շատ լաւ տեսնում ու հասկանում էի, բայց մնում էի այդ կեղտի մէջ, որովհետեւ ելք չը կար, որովհետեւ անճար էի:

Մի րոպէ Թամարը լուռ կացաւ, յետոյ, ձեռները խաչելով, հոգոց քաշեց ու գլուխը կռացնելով կրծքի վրայ, շարունակեց.

— Ինձ համոզեցին, ինձ հաւատացրին, թէ անհրաժեշտ է հաշտուել Ուրարովի հետ: Ես շատ ուրախ էի այդ բանին, որովհետեւ նրան մի քիչ սիրում էի: Սկզբում ես չէի իմանում եղբօրս ու քրոջս գաղտնի նպատակը: Յետոյ քիչ քիչ սկսեցի գլխի ընկնել: Երբ որ նրանք այդ նկատեցին, ամեն բան յայտնեցին ինձ, տեսնելով որ էլ ծածկելն աւելորդ է: Նրանք ինձ էլ գրաւեցին իրանց կողմը: Խոստումներ էին անում ինձ, նկարագրում էին իմ ապագայ բախտաւորութիւնը այն դէպքում, եթէ մեզ յաջողէր ժառանգութիւնը մեր ձեռքը գցել: Ել ինչ ասեմ, մի խօսքով նրանք մի քանի օրուայ մէջ ինձ ափսոսեցին ու իրանց ձեռքին գործիք շինեցին:

Մեզ չը յաջողեց հաշտուել քեռուս հետ: Շատ չ'անցած մինոր վտանգ էլ ծագեց մեզ համար Աննա Գուրգէնեանի կողմից: Մի քայլէն ու եփեմիան չը յուսահատեցին և սկսեցին ամեն միջոց գործ դնել որ քեռիս կտակ չը կազմէր: Այն ժամանակ ես սարսափ զգացի: Բայց գրաւելով նրանց խոստումներից ու վաղաքշանքներից և վախենալով նրանց բարկութիւնից, ես չը հակառակեցի նրանց ու շարունակեցի օգնել, թէև մի ներքին ձայն անդադար ինձ ասում էր, որ ես գզւելի բան եմ անում: Ես շատ անգամ մտածում էի, որ մարդուս մէջ էի ընկնում ու ինքս ինձ հարցնում էի՝ ինչի՞ցն է, որ մարդուս մէջ այդպիսի երկութիւն կայ:

Այս, Հեղինէ ջան, եթէ ես այն ժամանակ քեզ այնպէս մօտ լինէի ինչպէս այժմ, ես այս աստիճան չէի ընկնիլ բարոյապէս: Լինում էին րոպէներ, երբ ես զգում էի, որ դու մեր ամենքիցս անհամեմատ բարձր ես կանգնած, բայց ես ամաչում եմ ասել, այդ միտքը իմ մէջ միայն նախանձ ու ատելութիւն էր զարթեցնում դէպի քեզ: Քո բարութիւնն ու քաղցր վարմունքը կամաց—կամաց խեղդեցին իմ մէջ այդ զգացմունքները:

Ե՛հ, յուսահատ կերպով թափ աւեց ձեռքը Թամարը և երեսը դրեց բարձին:

Ինչի վրայ էի խօսում, երկար լռութիւնից յետոյ նորից սկսեց նա և ձեռքը դրեց քունքին:

Հա՛, կոտակի մասին էր: Կոտակը, չընայելով մեր ջանքերին, կազմեց: Եւ, ամեն բան վերջացաւ, մտածեցի ես, թէեւ, ճիշտն ասած, չէի իմանում ուրախանամ թէ տխրեմ որ մեր ուզածը չի յաջողել: Այնքանն եմ միայն յիշում, որ այդ օրից սիրոս հանգստացաւ, կարծես վրայիցը մի ահագին քար վայր ընկաւ, բայց, ավստոս... երկար չը տևեց իմ անդորրութիւնս:

Կարծես մի տենդային դող սառսռեցրեց Թամարի ամբողջ մարմինը: Վերջապէս նա իրան յաղթեց ու վերին աստիճանի յուզած ձայնով շարունակեց.

Միքայէլն ու Նփեմիան դրա դէմ էլ ճար դտան: Նրանք վճռեցին գողանալ կոտակ: Նս զգւանք զգացի դէպի եղբայրս ու քոյրս և հրաժարեցի այդ գարշելի գործին մասնակցելուց: Թոյլ չը տալ, որ նրանք իրագործեն իրանց մտադրութիւնը, ես չէի կարող, այդ իմ ուժիցը վեր էր: Նրանք երդում առան ինձնից, որ ոչ ոքի բան չ'ասեմ և, չը դիտեմ ինչ հնարքով, բերնիցս խօսք քաշեցին, իմացան, թէ որտեղ էր սլահած կոտակը: Ուբարովի մեռնելու օրը Նփեմիան իմ աչքի առաջին գողացաւ կոտակը: Նւ այդպիսով, ես այն օրից դարձայ ակամայ գործակից նրանց յանցանքի:

Ինչ ալն ժամանակ ջրերն էիր գնացել, խորը հոգոց քաշելով շարունակեց Թամարը: Նս ինքս ինձնից սկսեցի զգւել. խիղճս ինձ հանգիստ չէր տալիս. ախ, թէ իմանալիր, ինչեւ քաշեցի ես այն ժամանակ: Ինձ թւում է, որ ես կը զժւէի, եթէ կոտակի տեղ մի ուրիշ թուղթ չը դնէի, որ նոյն գիշերը Նփեմիան հանգիստաւոր կերպով այրեց: Խորամանկութիւնս չը բացւեց, որովհետեւ Նփեմիան, ռուսերէն չ'իմանալով, այն թուղթը կոտակի տեղ ընդունեց: Այդպիսով կոտակը մնաց իմ ձեռքին, բայց այնքան համարձակութիւն չունէի որ յայտնէի թէ կտակ կայ և իմ ձեռքին է:

Այն օրւանից, որ Միքայէլը ժառանգութեան իրաւունքները ստացաւ, ես գիշեր-ցերեկ հանգիստ չունէի: Միակ մխիթարութիւնս այն էր, որ միտքս դրել էի շուտով բանալ այդ ինձ ճնշող զաղունիքը: Ամեն անգամ, որ քեզ հետ տեսնուում—խօսում էի, այդ տրամադրութիւնս աւելի էր հաստատուում: Քանի քանի անգամ ես ու-

գեցել եմ քեզ ցոյց տալ կտակը, բայց վախենում էի: Այդ անվճռականութիւնս ինձ աւելի ատելի էր դարձնում իմ աչքումս. վերջապէս, ինչ երկարացնեմ, էլ չը կարողացայ դիմանալ այդ բարոյական տանջանքներին ու սրանից երեք օր առաջ ծածուկ տարայ կտակը դրեցի այն սենեակը, որտեղ մեռել էր Ուրարովը և որտեղ մինչև այժմ էլ ապրում է նորա այն կիսակոյր պառաւ ազգական կինը, որ նրան պահում էր հիւանդ ժամանակը:

Պառաւին ասացի, որ այդ թուղթը տանի ներկայացնի դատաւորին. նա էլ արեց:

— Յիշում եմ, ես էլ նկատում էի, որ դու քեզ մի տեսակ էիր զգում, բայց չէի հասկանում թէ ինչ կայ:

— Հա, Հեղինէ, քեզ այն ժամանակ թւում էր, թէ ես ցնորւել եմ. և, ճիշտ ասած, ես ինքս զարմանում եմ, թէ ինչպէս է եղել, որ խելքս չեմ կորցրել:

է, ինչ ասեմ. զգում եմ, որ դու այս բոլորը իմանալուց յետոյ ինձ պէտք է առես:

— Զուր ես այդպէս կարծում, Թամար: Ով որ տեսել է, թէ ինչպէս էիր դու տանջում այս քանի շաբաթը, չի կարող չը խղճալ քո վրայ և չը սիրել քեզ անկեղծ սիրով:

— Բայց ինչու ես այդպէս եղել, Հեղինէ. ինչու ես այդպէս գոյնդ գցել: Ներիր, որ ես քեզ վշտացրեցի իմ պատմածով:

— Մի վախենար. ես այնքան կամքի ոյժ ունեմ, որ կարող եմ դառնութեան բաժակը մինչև վերջին կաթիլը խմել: Էզուցւանից ես իմ անցեալիս հետ ունեցած բոլոր կապերը կը կտրեմ, կ'ոչնչացնեմ: Աւելի լաւ է իմ որդին հայր չ'ունենայ քան թէ մի օր իմանայ, որ իւր հայրը գող ու աւազակ է, աւելի լաւ է ես ու նա մեռնենք քան միանք այստեղ ու ծծենք այս վարակած օդը:

Թամարը լաւ չէր հասկանում Հեղինէի ասածի միտքը, բայց նա այնպիսի ձայնով արտասանեց այդ խօսքերը, որ տալը ամբողջ մարմնով սառստեց ու ցնցւեց:

Հեղինէն մի րոպէի չափ նայեց նորա վրայ, յետոյ վեր կացաւ ու զարթեցրեց պառաւ դայեակին: Դայեակը լսեց նորա պատուէրը ու դուրս զնայ: Մի քիչ անցած ներս բերեցին երկու չմոզան: Հեղինէն շտապով դարսեց իւր բաները, հրամայեց դայեակին, որ

հաւաքի երեխայի ապիտակեղէնն ու տեղաւորի, և ինքն նորից մի տոմսակ գրեց Առւնուէն, որով խնդրում էր նրան կառք վարձել իւր համար:

Նամակն այսպէս էր վերջանում:

«Վաղը առաւօտ ժամի տասնը մէկին կը սպասէք ինձ պոստի կայարանում: Գնում եմ Պետրիգորսկ քեռուս մօտ: Այս պէտք է առայժմ գաղտնի մնայ ամենքից: Պատճառը մի սարսափելի բան է: Գուցէ մի ժամանակ դուք իմանաք...»

Էլ ոչինչ չը հարցնէք ինձանից:

Հեղինէ Ամիրանեան:

Երբոր Հեղինէն ուղարկեց նամակը և հարցրեց իմացաւ, որ մարդը ղեռ տուն չի եկել, շարունակեց ճանապարհի պատրաստութիւնները: Նա այնպէս շտապելով էր անում այդ, այնպէս ուշադրութեամբ էր մի բանից միւսն անցնում, կարծես վախենում էր չը լինի թէ յանկարծ մէկը իրան համոզի հրաժարւել այդ վճռական քայլն անելուց:

Թամարը շւարած ու վախեցած նայում էր հարսին:

— Հեղինէ, երևում է՝ պատրաստում ես ճանապարհ ընկնել. չը գիտեմ ո՛ւր ես գնում, բայց միւսնոյնն է, խնդրեմ, ինձ էլ սուր հետդ: Դու որ չը լինէիր՝ ես բոլորովին կը թաղւէի բարոյական կեղտի մէջ. դու աչքերս բաց արեցիր, դու իմ մէջ զարթեցրիր ձգտումն դէպի լաւը, մի խօսքով դու ինձ կեանք տւեցիր, քեզնով ես յարութիւն առայ իմ բարոյական մեռելութիւնից: Թէ Ասուած կը սիրես, այժմ ինձ բարոյական վերածնութեան կիսաճանապարհին մենակ մի թողնիլ:

Հեղինէն գրկեց Թամարին և խոստացաւ նրան հետը տանել:

XXI

Ամիրանովը մնացել էր շւարած, թէ ինչպէս է գտնւել կտակը, քանի որ Եփեմիան նրան հաւատացրել էր թէ ինքն իւր ձեռքով ոչնչացրել էր այդ թուղթը: Բայց այսպէս թէ այնպէս կտակը գտնւել էր: Այդ միտքը ամբողջ գիշերը տանջում էր նրան. մի կողմից նրան սարսափ էր ազդում այն, որ նա պէտք է զրկւէր Ուրա-

րովի թողած ժառանգութիւնից, միւս կողմից նա վախենում էր, որ Թաւմարը գաղտնիքը յայտնի և Հեղինէն, իմանալով ամեն բան, աւելի ևս սառչի իրանից, մինչդեռ, ինչպէս իրան թւում էր, շատ քիչ էր մնում որ նա բոլորովին հաշուէր իւր հետ:

Առաւօտեան Ամիրանովը գնաց դատարան առանց տեսնելու Հեղինէի հետ: Նա անհամբերութիւնից տանջւում էր, թէ երբ պէտք է տեսնի կտակը, որի մէջ նա յոյս ունէր գտնել մի քանի ձեւական զանցառութիւններ, որոնք հնարաւորութիւն կը տալին իրան վէճ բարձրացնել ժառանգութեան մասին:

— Զը՛մ, ուրախ-ուրախ բացականչեց նա կարդալով կտակը. թէև վկաներով վաւերացրւած է, բայց չի ներկայացրւած ուր հարկն է և այլ պատճառով օրինական նշանակութիւն չունի:

Դատարանից դուրս գալով՝ Ամիրանովը սկսեց սառը մտածել և հասկացաւ, որ հարցը այնքան պարզ չէր, որքան իրան թւում էր: Որքան մտածում էր, չէր կարողանում մի հնարք գտնել, որ թէ հարստութիւնը մնար իրան և թէ անունը չ'արատաւորւէր: Շատ զօռ տւեց գլխին այդ անտանելի դրութիւնից դուրս գալու համար, վերջապէս վճռեց զնալ Պետրոսեանցի մօտ ու աշխատել մի կերպ համաձայնութիւն կապանել նորա հետ:

Այո, պէտքէ աշխատեմ հէնց այսօր վերջացնել այս գործը: Վերջացնելուց յետոյ կ'երթամ տուն կնոջս հետ կը խօսեմ, մի կերպ կը բացատրեմ: Երէկ նրան ես թողեցի սաստիկ շարած դրութեան մէջ, — ասաց նա ինքն իրան:

Մի քանի ժամ յետոյ Պետրոսեանցը կատաղութիւնից խեղդւելով մտաւ Գուրգէնեանի սենեակը: Օրիորդը դաս էր տալիս երեխաներին:

— Տիգրան Աւետիչ, ինչ է պատահել ձեզ, վախեցած հարցրեց օրիորդը:

— Երևակայեցէք, Աննա Արտեմիւհնա, Ամիրանովը այնտեղ է հասցրել իւր անամօթութիւնը, որ համարձակւում է դատարանում վէճ բարձրացնել ժառանգութեան մասին: Թող մէկ էլ մի ծպտուն հանի՝ տեսնի ինչ կը բերեմ գլուխը. բոլոր խարդախութիւնները հրապարակ կը հանեմ: Մի ժամից յետոյ ինձ վերջնական պատասխան պէտք է տալ:

— Տիգրան Աւետիշ, խնդրում եմ, աղաչում եմ, թողէք այդ գործը: Խղճացէք գոնէ Հեղինէին. առանց այդ էլ նա անբախտ է:

— Ապահով կացէք, նա ինձնից էլ լաւ է ճանաչում իւր մարդուն և վաղուց ատում է նրան:

Ինչ լաւ կը լինէր, որ կանայք չը խառնէին այն գործերին, որ չեն հասկանում: Ձեր բանը ընտանիքն ու տնտեսութիւնն է, ինչ ուզում էք արէք այդ ասպարէզում, իսկ՝ միւս բաներում մեզ, տղամարդիկներին, թողէք. ինչ որ պէտք է ձեզ համար՝ մենք կ'անենք:

Աննան սկսեց տաք-տաք վիճել, պաշտպանել կանանց իրաւունքները, բայց Պետրոսեանցը անհամբերութեամբ կտրեց նորա խօսքը: Նորա համար չեմ եկել ձեզ մօտ, օրիորդ, որ դատողութիւններ տամ կանանց հարցի մասին...

— Իայց հօ չէք կարող հերքել, որ ես իրաւունք ունիմ հրաժարել այն բանից, որ ինձ տալիս են, ընդհատեց նորա խօսքը օրիորդը սաստիկ յուզւած:

Ես ձեզ ասում եմ, Տիգրան Աւետիշ, որ ես ամեն բանից ձեռք եմ քաշում, միայն թէ կարողանամ փրկել Հեղինէի պատիւը: Մոռանալ թէ ինչ է եղել ինձ համար Հեղինէն — ստորութիւն կը լինէր իմ կողմից, շարունակեց նա յուզմունքից կարմրատակած երեսով:

— Այ, այդպէս են միշտ դատում կանայք: Ես մէկէլ կրկնում եմ, որ դուք այս գործից ոչինչ չէք հասկանում և այդ պատճառով չը պէտք է խառնէք սրան. այս ձեր բանը չէ, մռայլ դէմքով պատասխանեց Պետրոսեանցը:

Յիշեցէք, որ հարցը միայն ձեր մասին չէ, այլ և մի հասարակական հիմնարկութեան — ուսումնարանի մասին: Լաւ իմացէք, Աննա Արտեմիւնա, որ այն դէպքերում, երբ մասնաւոր անհատների շահերը դէմ են ընդհանուրի շահերին, մարդուս սրբազան պարտականութիւնն է զոհել անհատների շահերը, եթէ մինչև անգամ իւր ամենասիրելի բարեկամներն էլ լինեն այդ անհատները, և պաշտպանել հասարակութեան շահերը: Այդպիսի դէպքերում ազնիւ մարդը պէտք է մոռանայ թէ իրան և թէ ուրիշներին և պէտք է միայն մի բան աչքի առաջ ունենայ — արդարութիւնը, մի քիչ աւելի մեղմութեամբ աւելցրեց նա, նայեց ժամացույցին ու գնաց:

Աննան ախուր-ախուր նայեց նորա յետևից:

Նա ուզեց շարունակել դասը, բայց չը կարողացաւ ու թողեց զնաց իւր սենեակէն: Այնտեղ նա երկար ժամանակ մնաց խորը մտահոգութեան մէջ: Նա մտածում էր շեղինէի մասին ու աշխատում մի հնարք գտնել գործը այնպէս վերջացնելու, որ շեղինէն չը վշտանար: Նորա սիրտը կսկծում էր, երբ որ նա մտածում էր, որ ինքը, թէև ակամայ, պատճառ պէտք է դառնայ Ամիրանոյնների ընտանիքի անբաղտութեան:

Նա սկսեց յիշել իւր անցեալը բոլոր ամենաանշան մանրամասնութիւններով, յետոյ մտքով վերացաւ՝ տեղափոխուեց Թումաեի մօտ և նորա աչքերը արտասուակալեցին:

Ինչիցն է, որ իմ անւան հետ կապւած են անախորժութիւններ իմ մի քանի մօտերիմ մարդկանց համար, գառնութեամբ մտածեց նա:

Միթէ ինձ վիճակւած է միայն ցաւ պատճառել իմ բարեկամներին: Ախ, Աստուած, ինչ տարօրինակ կեանք է եղել իմ կեանքս:

Այդ մտածմունքները շատ տանջեցին բարեհոգի և քաղցրաբարոյ օրիորդին, որ ամեն կերպ աշխատում էր հաշտ ու սէրով ապրել ամենքի հետ:

Պետրոսեանցի օրիորդ, Գուրգէնեանի մօտից զուրս գալուն պէս, պատահեց իւր մի քանի ընկերներին:

— Գիտէք, պարոններ, հանդիսաւոր կերպով յայտնեց նա նրանց, Ուրարովը թեմական դպրանոցի օգտին ութսուն հազար ռուբլի է կտակել: Մի այդպիսի նւիրատւութիւն էլ որ լինի՝ մեր դպրանոցը կը կարողանայ այնպէս զնալ, որ համալսարան մօնելու արժանի պատանիներ կը պատրաստի: Ութսուն հազարը մեծ փող է:

Ափսոս Սահաւունին այստեղ չէ. շատ կ'ուրախանար: Հէնց այսօր կը գրեմ նրան, թող հոգին փառաւորւի:

Այդ ասելիս Պետրոսեանցը կանգնած տեղումը թռչկոտում էր: Նորա դէմքը, ձեռները, ոտները և ամբողջ իրանը այնպէս սաստիկ շարժւում էին, որ դժւար էր առանց ծիծաղի նայել նորա վերայ:

— Ախ, Պետրոս, Պետրոս, շատ կտրիճն ես եղել, ասաց ընկերներից մէկը մօտեմաբար խփելով նորա ուսին, իսկ միւսները սկսեցին

ղանաղան հարցեր թափել նորա գլխին, որոնց նա հազիւ էր ժամանակ դանում պատասխան տալու:

— Բայց, պարոններ, ես խօսքով ընկալի ժամադիր եմ եղել Ամիրանովի հետ մի շատ կարեւոր գործի վերաբերմամբ, մոռահոգ դէմքով արտասանեց Պետրոսեանցը և համարեա վազէ վազ անցաւ փողոցի միւս կողմը:

Մինչդեռ ընկերները շարունակում էին տաք-տաք խօսել նոր լսած լուրի մասին, Պետրոսեանցն ու Ամիրանովը շատ թունգ բացատրութիւն էին տալիս միմեանց: Միխայիլ Պետրովիչը սաստիկ վախեցաւ Պետրոսեանցի սպառնալիքներին:

Երեկոյեան ժամի հինգին մօտ կը լինէր, երբ որ Ամիրանովը յոգնած ու վրդոված վերադարձաւ տուն: Նա համարեա ուրախացաւ, որ կնոջը տանը չը դուռաւ:

— Երեխան ո՞ւր է, մի քիչ յետոյ հարցրեց նա աղախնից:

— Զը գիտեմ, աչքերի խորամանկ արտայայտութեամբ պատասխանեց աղախինը:

Նա ու ծառան իրար երեսի նայեցին:

Ամիրանովը մեքենայաբար քայլերն ուղղեց դէպի երեխայի սենեակը: Մտնելով նա զարմացաւ այնտեղ տիրող անկարգութեան վերայ: Պահարանն ու կոմոդը բաց էին. նայեց մէջները, — դատարկ էին. յետոյ վազեց դէպի օրօրոցը, — տեղաշոր չը կար մէջը:

Ամիրանովի սիրտը վկայեց, որ մի սարսափելի բան է պատահել: Նա այլ ևս չը կարողացաւ դիմանալ ու նորից սկսեց հարց ու փորձ անել ծառաներին: Կատաղած նրանց ծաղրից ու կիսատ-պուտ պատասխաններից, նա սեղանի վրայից վերցրեց ճրագն ու վազեց իւր առանձնասենեակը:

Առաջին բանը, որ նորա աչքովն ընկաւ, նորա հասցէով դրած մի նամակ էր: Նա իսկոյն ճանաչեց Հեղինէի ձեռքը և անհամբերութեամբ պատռեց ծրարը:

Նամակը մի քանի տողից էր բաղկացած: Ահա բովանդակութիւնը:

«Ես անջառուեմ եմ ձեզանից ընդ միշտ: Գնում եմ Պետրիգորսկ: Դուք լաւ գիտէք, թէ ինչ է ինձ ստիպում... իմացած եղէք, որ վճիռս անդրդւելի է: Թամարը գալիս է ինձ հետ. վախենում է, որ հալածէք իրան: Հ:

Ամիրանովը ապշած մի քանի անգամ կարդաց այդ սարսափելի սողերը, կարծես չը հաւատալով իւր աչքերին: Մի կողմից՝ կնոջ փախո՛ւտը, միւս կողմից՝ կտակի առիթով ծագած անախորժութիւննե՛րը...—Նա գլուխը կորցրել էր և չէր իմանում թէ ինչի վրայ մտածի: Մէկ վեր էր թռչում, գո՛ր նման ինչ որ մի բան էր փնտռում բոլոր անկիւններում, մէկ էլ վերարկուն վերցնում գցում էր վրան, կարծես ուզում էր կնոջ յետևիցն ընկնել ու բռնել, բայց մի քիչ մտածելուց յետոյ կարծես հասկանում էր, թէ ինչ անմիտ բան էր մտադրում անել, և քարացածի նման կանգնած մնում էր տեղումը, սաստիկ գունատուած դէմքով, զարհուրելի կրակով փայլող աչքերով և կատաղութեամբ լի սրտով: Ամիրանովը աշխատում էր սառնասրտութեամբ քննել իւր դրութիւնը, բայց այդ նրան չէր յաջողում: Նրկար ժամանակ մնաց նա այդ դրութեան մէջ. վերջապէս, մի շարագուշակ հայեացք գցելով կնոջ նամակի վրայ, յուզմունքից խեղդուող ձայնով արտասանեց՝

—Այդպէս էլի՛, թողեցիր ինձ գնացիր... Ո՛չ, տիկին, ներեցէք, ես կը ստիպեմ ձեզ վերադառնալ:

Կատաղութիւնից քիչ էր մնում սիրտը պատուէր:

Կէս գիշերից շատ անց էր, բայց Ամիրանովը էլի նստած էր և սկի մտքովն էլ չէր անցնում, թէ պէտք է քնել: Նա բոլորովին թուլացել էր հոգեկան կուրից և սկսեց ակամայ անձնատուր լինել մեղմ զգացմունքների: Վերջապէս, երբ որ արեգակի առաջին ճառագայթները թափանցեցին նորա սենեակը, նա անգիտակցաբար դուրս նայեց պատուհանից ու ասաց, —այժմ նրանք այստեղից բաւական հեռու կը լինին:

Յանկարծ Ամիրանովի մոքոյն անցկացաւ, որ, գուցէ, կինը իսկապէս ընդ միշտ է հեռացել իրանից...

Նա չէր կարողանում առանց սարսափելու երեւակայել այդ... նրան յանկարծ թւեց, թէ ինչ որ մի բան այրեց նորա ներսը, և նա ջղաձգաբար բռնեց կուրծքը:

Ախ, կնիկ, կնիկ, այս ինչ բերեցիր իմ գլխին. կաց, ես քեզ ցոյց կը տամ, — նորից կատաղելով շնչաց նա կապուտած շրթունքներով:

Այսպիսի ծանր մտածմունքների մէջ անցկացրեց Ամիրանովը ամբողջ գիշերը մինչև լոյս:

Հեռուեալ օրը նա տանից դուրս չ'եկաւ ու առաւօտունից մինչեւ երեկոյ նա նստած իւր սենեակում մտածում էր, թէ ինչ անի, ինչպէս դուրս գայ իւր դրութիւնից:

Հացը գցեցին, բայց նա չը կարողացաւ ոչինչ բերանը դնել: Հեղինէն ու Թամարը սկի մոքիցը չէին հեռանում և սաստիկ կատաղութեամբ լցնում էին նորա սիրտը: Նա երդւեց, որ անպատճառ կը ստիպի նրանց վերադառնալ իւր մօտ:

Մի քանի օրից յետոյ, երբ որ առաջին օրւայ բուռն զգացմունքը մեղմացաւ և նա սկսեց աւելի սառնասրտութեամբ դատել, նա ինքն իրան ասաց.

Ոչ, այժմ այդ անկարելի է. պէտք է սպասել, թող նա մի քիչ հանգստանայ, վերջը, ինքս ինձ նորա առաջ արդարացնելուց յետոյ, աւելի համարձակ կը սկսեմ գործել և այնպէս կ'անեմ, որ խելքը գլուխը հաւաքի: Ախ, անիծեալ կտակ, ինչքան դարդուբալա բերեց գլխիս:

Թամարը Հեղինէին ամեն բան յայտնած կը լինի... Նստ վատ բան դուրս եկաւ... այսպէս թէ այնպէս շատ ժամանակ ու շատ աշխատանք է գործ դրւած այդ ժառանգութիւնը ձեռք գցելու համար, հեշտ ու հանգիստ ձեռքից բաց թողնել յիմարութիւն կը լինի. պէտք է աշխատել մի կերպ որ դոնէ մի մասը մնալ ինձ: Այդ թարս Պետրոսեանցն էլ ո՞րտեղից դուրս եկաւ. ինձ համար էր հէնց աշխարհ եկել՝ ինչ է. սկի խօսք չի ուզում հասկսնալ: Համա ով գիտէ, տեսնենք...

Ամիրանովը մոքի հետ ընկաւ ու սկսեց հնարքներ վնտռել գործը յաջող կերպով տանելու համար, բայց ոչինչ դուրս չ'եկաւ, — ուշ ու միտքը Հեղինէի հետ էր...

Ուրբաթ առաջ կը վերջացնեմ այդ կտակի գործը ու յետոյ կը սկսեմ միջոցներ գնահտել կնոջս հետ հաշուելու համար, վճռեց նա: Ինչ լինի չը լինի՝ ես իմ որդուցս ձեռք չեմ քաշիլ, Հեղինէն էլ չի ուզիլ բաժանել նրանից. լա՛ւ, բայց մինչև այն ժամանակը պէտք է մի հնարք գտնել, որ այս բանը խալխի բերանը չ'ընկնի, թէ չէ էլ չեմ կարող ծանօթներիս երեսին նայել: Լաւ է, որ այս երեք օրը հիւանդ ձևանալով տանիցը դուրս չէի դալիս, հօ մինչև. վերջը չեմ կարող այդպէս անել. այ, վաղը պէտք է գնամ ծառայութեան:

Ամենքին կ'ասեմ, թէ կինս գնացել է բժշկւելու: Ը, յիմար, որ ես եմ հա՛. մէկը հարցնող լինի թէ ով է նոյեմբեր ամսին հանքային ջրերը գնում բժշկւելու: Տէր Աստուած, ինչ անեմ, ո՞ր քարոջն ընկնեմ: Ախ, ինչ անողորմ կերպով վարւեց նա ինձ հետ: Կարող էի սկի մաքովս էլ է անցկացնել, թէ կինարմատի ձեռքից այսքան բան կը քաշեմ ես, — սաստիկ վրդովւած խօսում էր ինքն իրան հետ Ամիրանովը:

Ձէ, ես ինձ խալխի ծիծաղատեղ չեմ դարձնիլ, — աղաղակեց նա բարկութիւնիցը կասկարմիր կտրած և բռունցքով կատաղաբար խփեց սեղանին:

Վձուեցի. ամենքին կ'ասեմ, թէ իշխանուհի Շակունին յանկարծ հիւանդացել է և հեռագրով կանչել է կնոջս Բան է՝ եթէ մինչև ամառ չը կարողացայ յետ բերել նրան, գժւար չի հաւատացնել, որ մնացել է այնտեղ հանքային ջրերում լողանալու համար, իսկ մինչև աշունք դեռ շատ ժամանակ կայ, շատ բան կարող է փոխւել:

Դեռ երկար ժամանակ Ամիրանովը անշարժ կանգնած էր մի տեղում՝ խորասուզած մտածմունքների մէջ:

XXII

Հեղինէն ամբողջ ճանապարհին լուռ էր ու շարունակ վախւթ-խելով շորս կողմն էր նայում, կարծես վախենում էր թէ յետևիցն ընկած կը լինեն: Ամեն անգամ զանգակի զնգոց կամ ձիու ոտնաձայն լսելիս՝ նա ամբողջ մարմնով դողում էր ու երեխային պինդ սեղմում էր կրծքին:

Նրա հետ տանջւում էին նոյնպէս և Ասունին, Քամարն ու հաւատարիմ դայեակը: Շատ էր ուզում Ասունին մի կերպ փարատել Հեղինէի տխրութիւնը, բայց զգում էր որ այդ անկարելի է:

Վերջապէս նրանք հասան Վլադիկաւկազ: Ասունին խնդրեց իւր ծանօթներից մէկին, որ Պետրիգորսկ էր գնում, տեղ հասցնել Ամիրանովներին: Հեղինէն երախտագիտութեամբ սեղմեց նրա ձեռքը և ասաց՝

— Բաւական է՞, որ դուք այսքան նեղութիւն կրեցեք իմ պատճառով. ինչու էք ուրիշներին էլ նեղութիւն տալիս:

—Ինչեր էք ասում, տիկին Հեղինէ, այս ինչ նեղութիւն է. վերջապէս ինչ կը լինի, որ մի քիչ էլ նեղութիւն. ես պատրաստ եմ ձեռքիցս եկած ամեն բան անել ձեր հանգստութեան համար,— զգացւած ասաց Ասունին:

Հեղինէն երախտագիտութեամբ ուղղեց նրա վրայ իւր վշտահար հայեացքը:

—Հապա Թամարը ո՞րտեղ է:

—Նա այստեղ մի ազգական կին ունի, առաւօտունից դնացել է նրա մօտ:

—Հա, գիտեմ. ամառը Պետտիգորսկ գնալիս մինք նրա մօտ իջանք, մի քանի օր մնացինք,—մտքամոլոր կերպով ասաց Հեղինէն ու դուրս եկաւ սեղանատնից մենակ թողնելով Ասունուն:

Ասունին կէս ժամի չափ կանգնած մնաց՝ մէջքը տւած վառարանին:

—Ալէքսանդր Վասիլի:, սթափեցրեց նրան Թամարի ձայնը:

—Ախ, գո՛ւք էք. ի՞նչ կը հրամայէք:

—Ես ուզում եմ այստեղ մնալ: Կարծեմ այն բոլորը լսելուց յետոյ, որ ես ձեզ պատմեցի, դուք էլ ինձ խորհուրդ կը տաք մնալ: Ես այստեղ կը կենամ մօրաքրոջս մօտ, որ վաղուց ինձ հրաւիրում էր իւր մօտ: Որ ամբողջ աշխարհքը տային ինձ, ես չէի բաժանւիլ Հեղինէից, եթէ հաւատացած չը լինէի, որ իմ ներկայութիւնը միշտ անախորժ յիշողութիւններ պէտք է զարթեցնի նրա մէջ:

Ասունին ասաց որ իւր կարծիքով էլ լաւ կը լինի, որ նա մնայ Վլադիկաւկազում:

—Խնդրում եմ, Ալէքսանդր Վասիլի:, մի կերպ յայտնեցէք իմ մտադրութիւնը հարսիս. այնպէս արէք, որ սրտին չը կպչի:

—Ապահով եղէք, օրհորդ, ես նրան կ'ասեմ:

Հեղինէն շատ հանգիստ կերպով լսեց այդ լուրը: Այդ ժամանակ նրա վրայ այնպիսի տրամադրութիւն էր եկել, որի ժամանակ մարդս մի տեսակ յոգնած սրտով խաչում է ձևոները և անձնատուր է լինում հանգամանքների բերմունքին:

Երեկոյեան ժամի իննին մօտ կը լինէր երբ Հեղինէն հասաւ Պետտիգորսկ: Միայն այդ ժամանակ նա սթափւեց ինքնամոռացութիւնից ու հաւատաց, որ վերջին օրւան ղէսւբերը և իւր համարձակ վարմունքը երազ չէին, այլ իրականութիւն:

Նա իջաւ Ասունու ասած հիւրանոցում և երկար անքնութիւնից յետոյ քնեց մինչև առաւօտուան ժամի տասը:

Քունը բաւական կազդուրեց նրան:

Ժամի վեցին ծառան յայտնեց Հեղինէին, որ մի ինչ-որ կին ուզում է նրան տեսնել: Ասունու ազգականն էր—տիկին Ասողա-ծատրեան: Նախընթաց օրը Ասունուց նամակ էր ստացել, որով նա խնդրում էր ընդունել իւր տանը Հեղինէին և ամեն կերպ օգնել նրան:

Աղքատ, բայց հիւրասէր Ասողածատրեանը այնքան թախանձազին խնդրում էր Հեղինէին տեղափոխել իւր տունը, որ նա չը կարողացաւ հակառակել և համաձայնեց:

—Քրոջս տղային իմ հարազատ որդու պէս եմ սիրում. մենք այնքան լաւութիւն ենք տեսել նրանից, որ ես ինձ սաստիկ անպատուած կը համարեմ, եթէ որ դուք չը համաձայնէք մեր տանը կենալ,—խնդրում, համոզում էր նրան տիկին Ասողածատրեանը:

Իսկ երեխերքս որքան կ'ուրախանան, մանաւանդ մեծ աղջիկներս: Նրանք արդէն հասել են, Ասողածով շուտով կը պսակեմ:

Ասողածատրեանի տանը տիրոջ խաղաղ նահապետական կեանքը ու շրջապատողների քաղցր վերաբերութիւնը բարերար ներգործութիւն ունեցան Հեղինէի յուզած հոգու վրայ:

Այժմ միայն, երբ մի քիչ հանգստացել էր հոգով, նա սկսեց մտածել իւր վրայ և զգաց իւր նոր դրութեան անյարմարութիւնները: Տանից ամենեւին չէր դուրս գալիս և ամեն կերպ աշխատում էր, որ չը բացուի իւր գաղտնիքը: Շատ էր ուզում գնալ քեռոնց մօտ, բայց չէր գնում, որովհետև ինքը Նակունին Պետտիզորսկումը չէր, գնացել էր Պետերբուրգ իւր հիւանդացած որդիներին տեսութեան:

Հեղինէն անհամբեր սրտով Ամիրանովից նամակի էր սպասում, յուսալով, որ նրա նամակը կ'ազատի իրան անտանելի անորոշ դրութիւնից:

Մի շաբաթ անցած վերջապէս նամակ եկաւ Ամիրանովից: Մարդը պատւիրում էր Հեղինէին անպատճառ տեղափոխել իշխանուհի Նակունու մօտ, պահանջում էր, որ նա գաղտնի պահի իրանց մէջ ծագած զգտութիւնը, սպառնալով, հակառակ դէպքում, խիստ միջոցների դիմել:

«Ինչ պատրւակով կ'ուզես ապրիր Պետրիգորսկում, միայն թէ, խնդրեմ, ինձ էլ հաղորդիր, որ ես ուրիշ բան չ'ասեմ ծանօթներիս: Առանձին ապրելու համար վկայաթուղթ ինձնից ստանալու յոյս չ'ունենաս»,—գրում էր Ամիրանովը նամակի վերջում:

Այդ տողերը կարդալուց յետոյ Հեղինէն գորովալից հայեացք գցեց երեխայի վրայ և վճռեց առժամանակ համաձայնել մարդու տռաջարկած պայմաններին ու սպասել, թէ ինչ կը լինի յետոյ: Նա շատ էր մտածում, թէ ինչպէս քեռակնոջ առաջ արդարացնէր իրան, որ այնքան ժամանակ Պետրիգորսկում էր ու չէր գնացել նրան տեսութեան, և, որ գլխաւորն է, թէ ինչպէս բացատրէր իւր գալու նպատակը, որ նա հաւատար իւր տւած բացատրութեանը: Վերջապէս կարմրելով ու անվճռական կերպով նա յայտնեց քեռակնոջը, թէ մարդը պաշտօնով փոխուում է Ստաւրոպոլի նահանգը:

—Ինչպէս է եղել, որ մենք այդ չենք իմացել,—զարմանալով ասաց իշխանուհին:

Միխայիլ Պետրովիչը միշտ այդպէս է, նախատես և զոյգչ: Երեւի տեսել է որ լաւ օրեր են անում, մտածել է, որ յետոյ գուցէ էլ այդպէս լաւ եղանակ չը լինի, ձեզ առաջ է ուղարկել: Այ, ինչ եմ ասել. ողամարդը այդպէս պէտք է լինի:

Մի թեթեւ և տարօրինակ ժպիտ խաղաց Հեղինէի երեսին:

Տէր Աստուած, երբ պէտք է վերջապէս ազատուեմ այս ատանելի դրութիւնից,—զայրացած մտածեց նա ու համարեա վազելով դուրս եկաւ պատշգամբը մաքուր օդ ծծելու:

Ձէ, այսպէս շարունակել չի կարելի, պէտք է միանգամից վերջացնել,—համարեա բարձրաձայն արտասանեց նա ու մի քիչ յետոյ վճռեց նամակ գրել մարդուն:

Ձը նայելով, որ Ամիրանովը շատ աշխատեց ծածկել իւր և կնոջ մէջ պատահած գժտութիւնը, բայց այդ չը յաջողեց նրան: Հասարակութիւնը վաղուց նկատել էր նրանց ընտանիքում տիրող երկպառակութիւնը և այդ պատճառով Հեղինէի գնալու լուրը կայծակիւ արագութեամբ տարածւեց քաղաքի մէջ: Սկզբում, ինչպէս միշտ լինում է, խօսում էին դահլիճների անկիւններում, իսկ յետոյ Թ-սի ամեն մի ծակուծուկում: Մի խօսքով ամբողջ քաղաքը այդ սկանդալովն էր զբաղւած: Աւելորդ է ասել, որ էլ բամբասանք չը մնաց,

որ չ'անէին Հեղինէի մասին, այդ, իրանց կարծիքով, դուրս ընկած կնոջ մասին: Հասկանալի է նոյնպէս, որ Ամիրանովը զայրոյթիցը կատաղում էր տեսնելով, որ էլ անկարելի է թաքցնել եղածը, և ամօթիցն ուզում էր գետինը մտնել, երբ որ իւր թշնամիների դէմքերի վրայ կարդում էր ծաղրի և չարախնդացութեան արտայայտութիւն: Ամիրանովի բարեկամները ասում էին, թէ Հեղինէն գնացել է Պետրիգորսկ իշխանուհի Շակունու հիւանդութեան պատճառով, բայց նրանց, ի հարկէ, շատ քչերն էին հաւատում:

Եփեմիան, որ մի շաբաթ կը լինէր ինչ տեղափոխել էր եղբոր մօտ, ամեն միջոց գործ էր դնում նրա սիրտը հանգստացնելու համար:

Եկան Մենդի տօները: Ուբարովի կտակի գործը շուտով պէտք է վերջանար: Պետրոսեանցը վճռել էր չը խնայել Ամիրանովին, որի դէմ նա շատ կարեւոր և հաստատ փաստեր էր ձեռք բերել: Ամիրանովը այդ գիտէր ու վախենում էր և այդ պատճառով չը համարձակեց վէճ բարձրացնել դատարանի առաջ ժառանգութեան մասին: Շատ ծանր էր, ի հարկէ, նրա համար ձեռք քաշել ժառանգութիւնից, բայց այդ ժամանակ նա այնքան զրաղւած էր իւր ընտանեկան հարցով և այնքան սաստիկ ցանկանում էր հաշտուել իւր կնոջ հետ, որ պատրաստ էր ընդունել ամեն տեսակ զոհաբերութիւն՝ կնոջ աչքումը իրան արդարացնելու համար: Կնոջը երկար ու ձիգ նամակներ էր գրում լի զղջումով ու քնքշութեամբ:

Մի օր նա նստած ըստ սովորութեան մտածում էր իւր գրութեան մասին: Դէմքը արտայայտում էր խորին մտահոգութիւն: Ծառան ներս եկաւ. ձեռին մի նամակ: Հեղինէիցն էր: Նա ուշի ուշով կարդաց հետեւեալ տողերը՝

«Ձեր պահանջի համաձայն ապրում եմ քեռակնոջս մօտ: Նրանց խաբում եմ: Այդ ակամայ խաբէութիւնը ինձ սաստիկ տանջում է: Ել դիմանալ չեմ կարող: Վերջապէս ինչ միտք ունի ծածկել եղածը, քանի որ ես ընդ միշտ կտրել եմ ամեն կասկանքեալիս հետ: Դուք, ի հարկէ, կը սպառնաք ինձ, որ կը դիմէք դատարանին, օրէնքին, կը խլէք ինձնից երեխային, բայց ձեզ հաւատացնում եմ, որ զուր կը լինի այդ: Իմ վճիռս անդրդելի է: Նախ քան ձեզ չիշեցնելը, որ դուք ձեզ ազատ համարէք ամեն տեսակ պարտակութիւնից դէպի

ինձ, ես խնդրում, աղաչում եմ ձեզ միայն մի շնորհք, մի անփոխարինելի շնորհք անել ինձ—թողնել ինձ մօտ մեր երեխային: Դուք պէտք է համաձայնեք այդպէս անել հէնց երեխայի օգտի համար. ոչ ոք, մինչև անգամ հայրն էլ, չի կարող այնպէս պահել պահպանել մի երեխայի ինչպէս մայրը: Իսկ եթէ դուք այնքան քարասիրտ կը լինէք, որ չէք լսիլ իմ աղաչանքին ու կ'աշխատէք զրկել ինձ իմ մենակ միսիթարութիւնիցս, ես կը կուեմ ձեր դէմ մինչև արիւնիս վերջին կաթիլը և հաւատացած եղէք, որ դուք չէք հասնիլ ձեր նպատակին:

2.

8. Գ. վերևի կոմմոդի աչքումը դուք կը գտնէք այն բոլոր ոսկեղէնն ու ակնեղէնը, որ դուք ինձ ընծայել էք: Ես հետո վերցրեցի հինգ հարիւր ռուբլի, որ մնացել էր այն հազար ռուբլուց, որ դուք ինձ տւել էիք ծախսելու իմ օժտիցս: Ես գիտեմ, որ մնացած վեց հազարը մենք վաղուց ծախսել ենք:

Նամակը որ կարդաց՝ Ամիրանովը յուսահատ քաշ գցեց գլուխը և մօտ կէս ժամ մնաց այդ գրութեան մէջ: Այդ ժամանակ միայն նա զգաց, թէ որքան մեղաւոր էր ինքը կնոջ առաջ և թէ որքան արդար էր կինը, և խիղճը սկսեց սաստիկ տանջել նրան, բայց այնուամենայնիւ նա էլի մոքումը հայհոյում էր Հեղինէին, զարմանում էր Թամարի յանդգնութեան վրայ, անիծում էր Սահառունուն, թէև ներքին մի ձայն նրան ասում էր, որ մեղաւորը Սահառունին չէր: Սիրում քիչ էր մնում պատուէր սաստիկ յուզմունքից: Նա խեղդւում էր, շունչը կտրւում էր. զղջումն էր պատճառը թէ զայրոյթը—դժւար էր որոշել: Նա տօգտ էր թէ իրանից թէ ամբողջ աշխարհից:

Սաստիկ յոգնած ու տանջւած՝ նա բաց արեց պատուհանը և սկսեց ազահոութեամբ ծծել ցուրտ օդը:

Մի քանի օրից յետոյ Ամիրանովը նորից նամակ գրեց կնոջը: Այդ նամակի պատասխանին նա սպասում էր անհամբեր սրտով: Նա դեռ յոյս ունէր, թէև թոյլ յոյս, որ կինը դեռ կարող է հաշտւել իւր հետ: Պատասխանը ստացւեց երկու—երեք շաբաթից յետոյ և վերջնականապէս համոզեց նրան, որ իւր յոյսը զուր է:

Ամիրանովի տխրութիւնը աւելի սաստկացաւ Կնոջ ու երեխայի կարօտը սաստիկ տանջում էր նրան: Եփեմիան աշխատում էր համոզել եղբորը, որ Հեղինէն անպատճառ կը վերադառնայ, եթէ յիշէր նա (եղբայրը) լսի իւր խորհուրդին և խիստ միջոցների գիւծի, բայց Ամիրանովը չէր լսում նրան և իւր սրտի դառնութիւնը նրա գլխին էր թափում:

Ամիրանովը շատ լաւ գիտէր, որ բռնի միջոցները իրան հասարակութեան ծիծաղատեղ կը դարձնեն և ոչ միայն նպաստակին չեն հասցնիլ, այլ և կը գրգռեն Հեղինէին իւր դէմ:

(Կը շարունակւի)